


480

J37



12131/p

THESES MEDICAE  
INAUGURALES.



Digitized by the Internet Archive  
in 2018 with funding from  
Wellcome Library

<https://archive.org/details/b30372318>

THESES MEDICAE  
INAUGURALES,

QUAS,

FAVENTE DEO OPTIMO MAXIMO,  
*EX AUCTORITATE RECTORIS MAGNIFICI,*

JACOBI PIERS. THOLEN,

*A. L. M. Jur. Utr. & Phil. Doct. Mathes.*

*Architect. Milit. & Geographiae Profesforis*

*Ordinarii,*

NEC NON

AMPLISSIMI SENATUS ACADEMICI CONSENSU,

ET

NOBILISSIMAE FACULTATIS MEDICÆ DECRETO,  
PRO GRADU DOCTORATUS,  
SUMMISQUE IN MEDICINA HONORIBUS AC PRI-  
VILEGIIS, RITE ET LEGITIME CONSEQUENDIS,

*Publico Examine Submittit*

JELLE BANGA

*Franequera Frisius.*



A. D. XVIII NOVEMBRIS, MDCCCVII. H. L. Q. S.

---

LEOVARDIÆ,

APUD D. V. D. SLUIS, REIP. & ACAD.

TYPOGR. MDCCCVII.







# LECTURIS MONITUM.

*Anno hujus seculi sexto ineunte Aestumatisimus Noster Praeceptor MULDERUS in lectione privata Anatomiam Cyclopi, sive Monoculi exhibuit, inde a quo tempore, licet jam saepius aliorum monstrorum vitulinorum, ovillorum, porcinatorum, sectionibus interfuissem, magis magisque mihi arrisit Monstrorum Anatomia, quare jam Academiam valedicturo commodam mihi pro Disertationis scopo praebere visa fuit materiem CYCLOPUM HISTORIA, huc illuc variis in libris magni voluminis dispersa, in qua pro parvo virium modulo simplicem exponerem speciminum, quae ipse vidi, & ab aliis observata prostant, descriptionem atque comparisonem: — Causas hujus aberrationis, quantum titonis valerent vires, inquirerem; — & tandem ad Summi Numinis gloriam, Naturae conamina, quibus in Corpori-*

*bus organicis quoslibet in suis operationibus a normali lege recessus omni curâ resarciret, atque unitatem, mutuaque partium & functionum conspirationem servaret, adumbrare conarem.*

*In hisce itaque elaborandis quum per aliquod tempus occupatus fueram, ex improviso accidit Promotorem meum Aestumatisimum MULDERUM ex almâ hacce Musarum sede Groningam versus arcesfiri, qui casus infelix nostrae futurae gloriae laetam spem eludit!*

*Accipite itaque hasce qualescunque Theses Inaugurales, quas temporis angustia nobis, quamvis invitis, conscribere licuit, & favete!*

*Interim, si vita, sanitas, atque Studiorum amor nostro in animo sat vigeant, quam cito fieri licet, Vobis nostram Disfertiunculam offeremus.*

---



# MANTISSA THESIUM.

---

## I.

**M**axime semper in deliciis habui Anatomes studium, unicum, ut puto, Medici rationalis, qui omni studio mortalium miseras curare, suoque officio ex animo defungi exoptabit, verissimum fundamentum. Omnibus certe Natura mortis inprescit horrorem, atque inde plurimis cadaverum exploratio, diurna, nocturnaue in eorum contubernio commoratio tristissimum videbitur opus, inpendentisque fati horrificum praesagium. Ast enim vero totam in hisce paginam absolvunt summa artis necessitas, de qua certe nulla

controversia, consuetudo, & summa delectatio, quam homini verae pulcritudinis gnaro praestat cadaverum, tam humanorum, quam brutorum, perscrutinium, quorum minimae partes Creatorem laudant, summamque Ejus spirant Sapientiam. Haec autem licet maxime spectant cadaverum debitam juxta normam organifatorum fabricam, nequaquam tamen negligendam esse puto, summorum & virorum auctoritate, monstrorum indagationem, quum certe haud parvam praebeat delectationem Naturae aberrationum perscrutatio, atque ipsa quidem rei irregularis novitas. Si enim verum, totam Procreationis functionem juxta debitam, perfectamque normam impenetrabili tegi involucro, quanto magis stupefacti admirabimur Naturae conamina, quibus a recto tramite devia omnes fere superat causas occasionales suam agendi normam turbantes, & in maximis suis aberrationibus inexplicabili saepe modo maximam exponit Divini Numinis Sapientiam.

## II.

Plurimae, quibus inde ab HIPPOCRATE ad nostra usque tempora Viri Docti explicarent maxime absconditum & vere divinum Naturae opus, *novi cujusdam corporis organici formationem*, Hypotheses, explicandi rationis congruae inopiam luculentissime fistentes, in duas dispescuntur clasfes. Prima agnoscit Summum Numen immediate agens, in qualibet procreationis actione immediate, ex commixta parentum geniturâ, futurum efformans foetum. Hoc si esset verissimum, quae tunc, quaeſo, nostrae perscrutationis ratio? — Altera vero in corporibus organis facultatem, suum quodque genus procreandi atque conservandi privam, a Naturâ concessam, supponit. Duplex autem hujus explicatio: nempe, quod ab omni aevo jam praeexistit, vel in virili geniturâ, sub specie animalculorum spermaticorum, vel in feminino ovario, sub ovuli formâ, futurum corpusculum: haec audit SYSTEMA EVOLUTIONIS. — vel quod ex utraque parentum genitura, nondum ef-

## 8      T H E S E S   M E D I C A E

formatâ, justo tempore & loco depositâ, novum efformatur corpus organicum: vocatur haec **S Y S T E M A E P I G E N E S E O S**. Hujus vero ultimae Theoriae iterum variae modificationes, uti illa viri summi **BUFFONI**, **Cl. REILII**, **DARWINI**, & novissime **Cel. BLUMENBACHII**, sub titulo *Nisus Formativi* fatis cognita. Haec vero omnia ulterius discutere non hujus loci esse duximus, hisce modo contenti, quod omnia, quae de stupendo procreationis negotio certa scimus, eo redeunt, quod corpusculum quoddam organicum novum, ut plurimum ex intimâ duorum aliorum ejusdem speciei, diversae attamen sexus unionis productum, eo, quo primum apparet tempore, semper cum alio simili, multo quidem majore, corpore cohaereat, a quo non nisi minore enucleatione differt, & cui pederentim minus evadat dissimile. Denique a majore isto corpore separatum sensim magis increscit, cique, quantum potest, simile evadit. —



## III.

Aequè ac in obscuro quam maximum haerent novi corporis procreationis causae proximae, sic et impetrabili, uti videtur, involucro Natura nobis obnubilavit incrementis enucleationis methodum, quamdiu novum corpusculum cum alio majori cohaereat, unde liquido patet, quantâ premitur difficultate Naturae aberrationes in corporum primâ organisatione explicandi ratio. Quantae molis fuit convenientem hac in re excogitare Hypothesin, vel ex ipsis quorumlibet fere observatorum conaminibus certum esse puto, quin quos omni studio cognitam Hypothesin vindicasse, novas proposuisse, saepius autem anxios atque dubios nil contendere ausos fuisse, videamus.

Nonnulli, quibus certe omnium maxime aqua haeret, maternae imaginationis vim in foetum pro causâ ejus deformationum proximâ agnoscunt, quae theoria pristinis temporibus multa fuit. Plurimi attamen hodierni illam spernunt, atque irrident; licet huc illuc taciti ejus essent propugnatores. Certe non negamus

maximam esse maternas impressiones in uterum factumque inclusum actionem, uti probant vehementiora terroris, perturbationis, aliorumque animi pathemata, in menstruantibus irregularem saepe fluxum, in gravidis haemorrhagias atque abortus provocantia. Attamen magna superest difficultas. Statuunt enim hujus Doctrinae Magistri foetum normaliter fabricatum inexplicabili ratione per imaginationis vim in vires, quibus perficitur foetus enucleatio, agentem deformari. Obtinet hoc, (& quidem necesarie) primis graviditatis mensibus, & videtur, judice SPRENGELIO, melius tribui posse vitiis enucleationis, quam quidem originario cuidam vitio in primordiali germis conformatione. Sed si verum, tum & in brutis animalibus, quin & in plantis, eadem imaginationis vis agnoscenda. Neque hae deformationes leviores sunt, caput v. c. pectus, extremitates majores, aliaeve partes maternae imaginationis vi destructae perhibentur, quas tamen foetus ante infelicem istum casum possidebat integras. Denique plurimorum istorum foetuum, quos hac ex causa deformatos dicunt, ne minima quidem



dem saepe cum re imaginatâ similitudo occurrit, unde tanta in humaniore homine requiratur imaginatio, qua figmentum eruat, quanta vix in matre fuisse supponi potest.

Alii probare tentarunt vitium haerere in primordiali germinis conformatione, absque eo, quod aliquaedam concurrat causa accidentalis, quas deformationes *Monstra Primigenia* vocant. Summum hujus Theoriae argumentum est maxima partium conspiratio, & ad praefinitum usum adaptatio, quin & in longissime a debitâ normâ deflectentibus monstris probe conspicua: „quam quis casu fortuito natam inpie  
„diceret, quum in iis inmensae Sapientiae effectus  
„non minus dilucide prostant, quam in omnibus,  
„quae juxta consuetas Naturae leges in rebus creatis  
„occurrere solent” (v. DÖEVEREN in *Spec. Obs. Acad.* p. 23.)

Licet quam maxime vereor nefandae impietatis in me contrahere labem, & summâ cum admiratione Divini Numinis in ipsis Monstris sapientiam supplex adoro, mihi saltem haecce Theoria incurrere videtur.

con-

contra conspicuam Dei Legem, *procreationem atque specierum continuationem*, cui quidem pleraque, si ulla, monstra satisfacere nequeunt, quum nonnullis plane aliena partium genitalium sit conformatio, aliis vero longe plurimis vita absolute denegata deprehenditur, vel ex malâ partium constructione, vel ex causis mox post nativitatem infestantibus.

Alii denique tantum causas occasionales admittunt, directe vel indirecte foetum nocentes: — *directe* ex perversâ partium utero vicinarum, vel hujus ipsius visceris constructione, vel ex aliis corporibus incongruis simul cum foetu in utero inclusis; — *indirecte* per vim quamdam externam matri gravidæ illatam. Haecce Theoria magis rationalis atque optima videtur, licet plures dentur deformationes, in quibus juxta hancce regulam explicandis nobis quam maxime aqua haeret, v. c. in foetibus inversis, quos mirabilis fane structurae plures a Cl. MULDERO dissectos vidi, & ipse exploravi. Minor certe difficultas in eo videtur, quod secundae Theoriae propugnatores objiciunt, *summam nempe partium structurae regularitatem, atque elegantem normam*:

*nam*: hoc enim, ut primarium ubique conspicuum & inseparabile Naturae opus, quod nova corpora producat, producta nutriendo conservet, incongrua vero curet, & destructa reproducat. Maximum hic momentum foetus tenerrimi enucleatio, cujus certissimum impedimentum est quaelibet pressio in teneram adeo substantiam, quâ pressione succumbentibus Naturae conaminibus, aliorum magis, si adhuc fatis vigeant, diriguntur enucleationis vires, quod ubique fere obvium puto, vel in externâ corporis constitutione solito magis robustâ atque nutritâ, vel in internarum quarundam partium, ossium maxime, majore efformatione. Sin autem Natura iteratis, quibus sibi infestas superaret causas, conaminibus plurimum fuerit exhausta, vix damnum illatum refarciri potest, unde & tunc tenerior corporis constitutio, minor regularitas, majorque deformatio.

## IV.

Nisi me quam maxime fefellit visus, BLUMENBACHII de Diploes in ossibus planis origine sententia est refutanda, tuenda vero SWIETENII, ALBINI



BINI aliorumque opinio. (BLUMENB. *geschichte der Knochen* §. 26 )

## V.

Quo ad Craniologiam, novissime a Cl. Doct. Viennensi GALL quam maxime ornatam, quaedam haud spernenda loca paralela apud Veteres Anatomiae perscrutatores inveniuntur. Ceterum hancce Doctrinam speciosam magis, quam revera in ipsa cranii Conformatione fundatam esse ex ipsis Viri doctissimi confessione constat, atque variis argumentis luculenter comprobari potest.

## VI.

Veterum, inprimis VESALII, opinio os vomerem esse ossis Ethmoidei Apophysin fortasse inde originem traxit, quod fere semper ambo haec ossa in pluribus quadrupedibus, canibus, felibus &c. intime per Synostofin unita sint.

## VII.

Maxillam inferiorem in infantibus ex duabus compositam esse partibus eam ob causam, ut facilius inminueretur diameter capitis transversa in pelvis transitu, tempore partus, recte suspicatus fuisse videtur Amatissimus Noster Praeceptor MULDERUS.

## VIII.

Cerebri motus duplex exstat unus arteriosus, alter venosus cum respiratione analogus, minime vero cum cordis Systoli ac Dyastoli. Una enim in & exspiratio quatuor pulsuum tempore peragitur; — dicet alias ambo isti motus certissime a sanguinis influxu *dependant*.

## IX.

Summa Perspirationis insensibilis dignitas luculentius Pathologicis demonstratur argumentis, quam Physiologicis. —

Calor nostro corpori communicatus copiosiore materiae perspirabilis secretionem atque evaporationem,

nem, sub fudoris nomine, producit; — verum ut liquor aliquis in vaporem mutetur, insigni principii calorigi copiâ indiget, quod ut evolvatur, calor e viciniis abripitur, unde per calorigi consumptionem fedatur corporis aestus, si nempe simul tollantur causae calorigificae. Hinc in Febribus Sthenicis tantum semper affert levamen calidus & acquabilis totius corporis fudor.

Nonne calor auctus in volis manuum ac pedum plantis, in Febribus Hecticis adeo singularis, sed & in aliis licet minore gradu obvius, inde derivari posset, quod istis in locis minores apparent pori cutanei, unde minor vel & tardior perspiratio atque calorigi consumptio, quam in ceterâ corporis superficie, in quâ non sentitur iste peculiaris calorigis sensus, propter copiosam atque magis expeditam fudoris secretionem?

## X.

Quod in Autumno, uti jam dixit Divus HIPPOCRATES *Aph. ix. Lib. iii.* plurimi observantur Morbi gravissimi, cito magnum adferentes periculum,

om.



omnemque Medici curam postulant, apprime valet de Nostratium Febribus Biliofo-Gastricis cum aucta bilis secretion, aliisque plurimis, quarum causam primariam occasionalem praebet & aeris & patriae nostrae peculiaris conditio. In hisce autem circumspetus resolventium atque evacuantium usus maximum adfert levamen, citamque curationem.

## XI.

Quidquid etiam obloquuntur Brunoniani rudiores, certe constat & aliquando e collectione sordium in primis viis produci Febres Nervosas. Cf. Cl. HUFELAND *Journal der Pr. Heilk.* Tom. XVIII p. 95. & ss.

## XII.

In Febribus Nervosis ex communi Omnium fere Medicorum consensu nocet Venae Sectio.

## XIII.

In Febrium Malignarum principio multum saepe confert V. S., ut pessima Symptomata subsequantia  
B  
aver-

avertantur, quia haud raro sint Naturae Sthenicae; — hisce autem in casibus praecipua Medici securitas ab attentâ Epidemiae contemplatione dependet.

#### XIV.

In Morbis Asthenicis magnam curae partem inplet vomitus, si cum prudentia ac virium tolerantia administratur; quando Tartarus Emeticus prae Ipecacuan-na est eligendus, non tantum quia facilius, atque certius emesin provocet, sed quia, uti docuerunt novissima Cl. F. A. VON HUMBOLDT experimenta, specificè quasi in Nervos agat.

#### XV.

Nisi manifesta Gastricae complicationis signa dentur, Purgantia in Febris Putridis & Nervosis per se non conveniunt.

#### XVI.

In Febris Putridis Aphthae in nostris regionibus haud raro criticae conspiciuntur.

XVII. In

## XVII.

In verâ Febre Continuâ Putridâ Cortex Peruvianus in principio nocet, & tantum convenit in stadio relaxationis, collapsusque virium vitalium. Contrarium vero obtinet, si ex perverse tractatis Remittentibus gastricis oriatur Putrida.

## XVIII.

Febris Catarrhalis, pro aegrotantium variâ conditione, est vel Synochus, vel Typhus; unde patet maxime eos errare, qui hisce in Febribus V. S. locum habere posse plane negant.

## XIX.

In Febrium Intermittentium, inprimis vernalium principio, ut plurimum nocet Cortex Peruvianus. Contrarium plane obtinet in harum Febrium specie larvatâ, quam certo curat Cortex. Vidi talem quotidianam, mane cum dolore acutissimo insurgentem in

regione supra-orbitali dextro; vesicatorium locale & Cortex cito eam curabant.

In femina xxvi fere annorum, aliquot post partum hebdomadas talem quotidianam vidi cum liberali lochiorum fluxu tum iterum insurgente, quum antea fere fuerat sedatus. Mox autem imminuebatur fluxus usu Corticis cum Vitriol. Mart. & Extract. Gentianae, erat vero tempore aestivo fervido, unde simul levior oriebatur Febris gastrica cum aucto fluxu alvino: — nihil interim feci, continuatus est Cortex, accedit vomitus aquae limpidae insipidae, & brevi curata fuit aegra.

## XX.

Consensus partium morbosus, licet haud raro parvo stimulo excitatus, aliquando producit vehementissimas Reactiones Consensuales, & ad omnes propagari potest partes. Hinc uteri descensus in primis post conceptionem mensibus, saepe totius corporis emaciationem producit, post praegresfa debilitatis, Syncopes, &c.



&c. Symptomata, nisi per cautum pesfarii usum praecaveatur.

## XXI.

In provectiore graviditate haud raro propter uteri retroversionem observatur Urinae suppressio: — quo in casu haud convenit catheter femina, propter mutatum vesicae atque urethrae situm, sed magis incurvata, vel catheter masculina.

## XXII.

A fibrarum uterinarum diverso evolutionis ordine unice, nisi accedat violentia externa gravidae illata, Partus tempus dependet.

## XXIII.

Vasa uterina graviditatis tempore minime elongantur sed permanent arcuata & circularia. Dilatantur autem maxime, & huic quidem vasorum dilatationi incrementum crassitiei uteri adscribendum videtur.

## XXIV.

Si jam per aliquod tempus ante partum membranae foetum tuentes, ruptae fuerint, & dolores veri vehementer persistant, nullus fere datur Haemorrhagiae metus.

## XXV.

Colli uterini Atonia minus metuenda est, quam illa fundi & corporis hujus visceris, quia partibus posteriobus plerumque adhaereat Placenta.

Hinc non omnis Haemorrhagiae metus, istis incasibus, quibus Atoniâ afficitur uterus, deest, licet statim post partum non observetur.

## XXVI.

Uteri obliquitas minime Partum difficilem reddere potest, nisi quando in partium adjacentium conformatione aberret natura, vel quando ferius advocato obstetricante jam nimis prostratae sint naturae vires.

## XXVII. Uteri



## XXVII.

Uteri obliquitatem dextram magis naturalem esse quam sinistram, & multo frequentius observari, satis explicari potest ex partium adjacentium situ.

## XXVIII.

Experientia simul & ratione constat infantes, quorum matres per graviditatem solito diutius catameniis fuere obnoxiae in universum debiliores, & morbis magis obnoxios esse, quam alios.

## XXIX.

Vitam quodam sub respectu privam in utero degit foetus, propriam habet Haematofin, & ne guttula quidem sanguinis rubri a matre ad foetum ope placentae transit.

## XXX.

„ Pesfime studiis suis consulunt, qui ita recentiorum scriptis se <sup>in</sup>emergunt, ut veteres vel negligant,  
 „ vel

„ vel contemnant, quum plerarumque rerum lux ex  
„ illis pendeat. Pleraque certe recentiorum inventa  
„ apud veteres per nebulam adumbrantur.” TH. BAR-  
THOLINUS, in *Epist. Med. Cent. III. Ep. LXII* p.  
248.

T A N T U M.







